

夢

林

玄

解

夢林玄解卷之三十四

夢徵

飛走部

四靈
羽族

百獸
水族

六畜
昆蟲

○○○四靈類

○玄龜啣符

三皇

帝伐蚩尤夢西王母遣道人披玄裘以符授之曰太乙在前天乙滿後河出符信戰卽克矣帝寤以告風后力牧風后力牧曰此兵應也戰必勝牧與帝至盛水立壇祭以太牢有玄龜啣符置壇中而去帝佩之以征禽蚩尤

○蒼龍據腹

西漢

漢虜魏王豹薄姬輸織室詔納後宮歲餘不得幸始姬少時與管夫人趙子兒相愛約曰先貴無相忘已而管夫人趙子兒先幸漢王坐河南宮成舉臺此兩美人相與笑薄姬初時約漢王聞之問其故兩人具以實告漢王心慘然憐薄姬是日召而幸之薄姬曰昨夜妾夢蒼龍據腹王曰此貴徵也吾爲汝遂成之一幸生男是爲代王其後薄姬從子之代高后崩大臣迎立代王是爲文帝

○口吐白鳳

西漢

楊雄作甘泉賦夢口吐白鳳

○龍頭授已

三國

孫聖孝潘夫人有娠夢有以龍頭授已以蔽膝受之遂生孫亮

○兩龍枕膝 西晉

李太后爲簡文宮人時數夢兩龍枕膝日月入懷意以爲吉祥向同儕說之帝聞而異焉竟生武帝

○乘龍至屋 西晉

王穆將害索嘏郭瑀諫不從與疾而歸旦夕祈死忽夢乘青龍至屋而止寤而嘆曰龍飛在天今止于屋屋之爲宇尸下至也龍飛至尸吾其死乎古之君子不卒於內寢於是還酒泉南山赤崖閣飲氣而卒

○白龍夾舫

宋

劉穆之初夢與宋高祖裕俱泛海。忽值大風驚懼。俯視船下。見有二白龍夾舫。既而至一山峰。嶸聳秀。林樹繁密。意甚悅之。後竟爲裕佐命元勛云。

○捉龍脚

齊

孫奉伯與蕭道成歆。明帝遣奉伯往淮南。道成與奉伯同室臥。奉伯夢道成乘龍上天。於下捉龍脚。不得及。覺叙夢。因謂兗州必大庇生靈。而弟不得與也。時道成爲兗州故云。後道成卽位。奉伯先卒。

○龍據屋

齊

蕭贍之將產也。二母並夢龍。據屋故小字爲龍兒。卽世祖也。

○四夢龍祥

齊

婁太后孕文襄。夢一斷龍。孕文宣。夢大龍。首尾屬天地。張口動目。勢狀驚人。孕孝昭。夢蠕龍於地。孕武成。夢龍浴於海。

○靈鳳集身

梁

王曇逸母夢靈鳳集身。因有娠。又聞腹中有啼聲。僧寶誌曰。生子當爲神仙宗伯。

○龍出身中

隋

煬帝生時獨孤后夢龍出身中飛高十餘里墮地尾斷以告文帝帝默然

○鳳鳥集手

唐

有孫姓者夢鳳鳥集手上以問蕭吉吉曰不祥孫不悅未旬忽喪母往叩吉吉云鳳棲梧桐食竹實所以止君手上者手中有桐竹之象也直杖竹削杖桐是以知必有重愛耳

○龍吐碁經

唐

翰林學士王積薪夢青龍吐碁經九部授之藝乃精

○金龍遶身

唐

晉劉暉未遇時爲岳節度幕軍。岳有女年及笄。未字。忽夢金龍遶身。及旦見一卒酣睡。鼻中有氣如龍。盤旋直逼己身。因異之。與私焉。後岳覺而譴之。女以實告。遂娶之。後果登九五。岳爲后。

○吞金龜

宋

劉贊夢吞金龜。文思大進。忽一日夢吐金龜。既寤不悅。未幾卒。

○贈龜一枚

宋

梅聖俞生男前一日。夢道士贈龜一枚。作詩曰。夜夢有人衣帔霓。水邊授我黃龜兒。明朝我婦忽在蓀。乃生男子實

秀眉

○龍降

宋

文天祥母將誕。夢有龍降其家。公遂生。其所居之傍。有潭成巨浸。自公之生。潭水日淺。公長。讀書。吉水山中。往來中途。有客店。一夕。店主夢龍蛇爪於門外石上。迨曉開戶。見公脫屣於石。少憩而去。又公好與客奕水中。客不能勝。公鎮日怡然自若。及公卒。潭水復深。夢龍之徵。不誣也。

○麟入室

宋

陳麟之母夢麟入室中。自取門間蟲以餵之。及生。乃以麟名之。字曰兆夢。後爲閩縣尹。民皆仰之。稱爲循吏。

○二龍繞闕

明

高皇夜夢內殿左右楹柱有黑白二龍繞之而闕左黑者勝明日偶見太孫與燕邸各抱一柱而嬉燕邸在左焉

○爭騎龍項

明

秦司徒紘山東單縣人母朱氏夜夢雷雨大作見二物蜿蜒攀窻內窺頭角如鱗目光如電因而驚覺遂生公既長見書便愛有紙便寫無紙則畫沙爲字人頗奇之爲庠生嘗宿於本學帝君廟前槐樹下時將一更夢一官人衣冠秀偉與公藥水一碗祝之水而光浮星月飲之而覺自此

讀書日進。因領鄉解赴京。過德州時。天寒河凍。就在西岸
旅宿。夜夢河開。公入河取魚。見深淵一龍。奮躍而起。公甚
恐。不得已。手攀龍角。身騎龍項。又見河邊一人。強來爭騎。
龍項公騎。龍腰龍就飛起。少刻。公在山頂高處立。其龍與
爭騎者。不知何往。既而會試三場畢。主考江侍郎欲定公
爲第一。因同事爭論。乃以吳滙爲詩經第一卷。公爲第二
卷。公稟性方剛。才兼文武。總制邊方。豈非一代偉人哉。

○龍頭一枚

明

計進士禮。字汝和。江西浮涼縣人。鄉試畢。嘗夢以科目事
禱於龍王廟中。夢龍頭一枚。隨來其家。迨揭曉。果中解元。

將會試之夕。忽夢船滿河內。一船龍頭分明。計船在龍船之傍。再三欲過彼舟。竟不能上。遂寤。其年八月。會試榜出。計中第六十九名。其六十八名。乃龔膺也。

○○○百獸類

○白虎

虞

帝堯爲天子。夢白虎遺吾馬。啄子。其母曰。扶始。升高丘。睹白虎。上有雲。感已。生皋陶。索扶始問之。如堯言。明于刑法。罪次終始。故立皋陶爲大理。

○黃熊入寢門

春秋

鄭子產聘於晉。晉侯有疾。韓宣子逆客私焉。曰。寡君寢疾。

於今三月矣。並走群望有加而無廖。今夢黃熊入其寢。其何厲鬼也。對曰。以君之明。子爲大政。其何厲之有。昔堯殛鯀於羽山。化爲黃熊。以入於羽淵。實爲夏郊。三代祀之。晉爲盟主。或者其未祀矣乎。韓子祀夏郊。晉侯有間。賜子產莒之二方鼎。

○鹿跡日炙

西漢

魯宗範妻。凡許嫁數人。每至親迎之夕。其夫輒死。一夕夢人謂曰。田頭有鹿跡。田尾有日炙。乃汝夫也。後嫁。乃悟其夢。

○大象

蜀漢

張茂夢大象。解者曰：象者獸也。獸者守也。君當爲守。然不能善終。象有齒焚身。皆如其言。

○狼啖一脚

西晉

郡功曹張邈奉使詣州。夜夢狼啖一脚。純曰：「脚肉被啖爲却字。」會東虜反。遂不行。

○五色獸逼衣

齊

王宗侃妻有娠。夢周公山神牽五色獸。趨其衣。遂生承寧。後節制揚州。入洛爲行軍司馬。

○騎獅子

隋

王敬則嘗夢騎五色獅子。後貴達。

○白虎齧指

北魏

張弘士夢白虎齧其指寤而惡之後至野遇白物驚還覺指痛不久而弘士死

○群鹿渡水

唐

賊將史思明僭稱大號在永寧時以泥城未畢怒其虜子朝義云待收屯州斬却此賊朝義大懼乃與其將駱悅謀圍思明一夕思明夢而驚寤於牀惘惘左右問其故曰吾夢見水中沙上群鹿渡水而至鹿死水乾言畢如廁其伶人相謂曰鹿者祿也水者命也胡祿命盡矣已而駱悅入問思明所在衆指在廁思明覺變踰垣入廐取騎出奔悅

令周子俊射中其臂落馬擒赴柳泉驛縊殺之。

○虎齧傷死 唐

晉陽縣有人殺其妾妾將死言曰吾無罪爲汝所殺必報後數年殺妾者夜半起至母寢呼其母母問故其人曰適夢爲虎所齧傷甚遂死覺而心驚悸甚故特啓之母曰人言夢死者反生夢想顛倒故也汝何憂然汝夜來未飯牛亟飯之乃往飯牛閭中見物似牛之狀乃前執之不知其虎也遂爲所噬其人號叫竟死則人以虎爲所殺之妾也。

○虎行月中 宋

滕元發母夢虎行月中墮其室遂生元發舉進士授大理

評事召試爲集賢較理以直道策名于英神哲三朝

○袖障叱虎

宋

蘇長公知揚州一夕夢在山林間忽有一虎來噬已方驚怖有一紫袍黃冠者以袖障之叱虎使去及旦有道士投謁曰昨夜畏否公知其習術遂叱之曰鼠子敢爾欲杖其脊道士慚懼而去

○殺猴

宋

南野人伍寺之見社樹上有猴懷孕便登樹搥殺之夢一人稱神責以殺猴之罪當令重謫不半年寺之病作醫不能療遂卒

○昇一巨狼

明

夏忠靖公元吉字維詰胡廣湘陰人其母將誕之夕夢敬人昇一巨狼來家遂寢俄而生公自少穎異不凡洪武庚午以詩經選鄉貢入太學累官至太保戶部尚書贈太師公文章德量異於人一時諸公鮮有能及之者人謂奎木狼神宿之下降云

○綠毛虎

明

金宗伯純字尚素營州中屯衛人夜夢一綠毛鉅虎目光如炬爪牙悍猛可畏伏于前公驚呼起坐良久方能言乃欬欬笑不休侍人問所以具道其事自謂平生無他夢

爲者哉。明日定襄伯郭公拜公館下求卒業而服色與所夢略同。公異之。後郭公自舍人以武功歷陞至前職掛征西將軍印。飾制大同諸軍事。抱負文武長材。忠義凜凜。真所謂王命召虎。式辟四方者也。其見於夢不亦異哉。

○二鹿一羊

明

金御史章字相用。雲南中衛人。赴京會試。道經湖廣常德府。忽夜夢二鹿。一小一大。後有一羊隨之。及至京。與同鄉舉人陳俊同一旅邸。一夕陳之從者夢放春榜。見金名列一百八十一名。陳下第。迨揭曉。金果中一百八十名。惟差一名耳。陳中副榜。始悟先夢二鹿。乃鄉省禮闈二錄。羊乙

未流年所肖也。

○虎躍入其家

明

鄭揮使懷玉有女。幼讀書。頗諳象緯之學。居嘗自負不肯許。凡子必得名公鉅卿者。乃行。是年已三十六矣。成化丁未。正月上元之夕。忽夢天門洞開。紅光閃爍。俄有一虎躍入其家。遂驚寤而起。未幾魏國徐公適喪其偶。乃遣媒妁爲續絃之聘焉。

○白象

明

金齒人周玉爲人淳朴。至老不識衡量。嘗夢白象詰旦而生子。突中嘉靖戊子鄉試。知灌縣縣瘠土。又當咸茂二邊。

餽道奕食不兼味以廉靖聞。

○二鹿擾庭

明

甲子秋予兄弟應試南都。予夢二鹿馴擾於庭。但大小不倫。放榜後。予與季弟燕翼與焉。說者以爲鹿宴鹿鳴也。大小不倫。季弟時方弱冠。與予年齒不倫也。後季弟不幸短命。然則鹿之小者。抑豈其祿命之不永耶。張鳳翼記

○○○六畜類

○兩黑犬

戰國

吳王夫差夢兩黑犬。嗥以南。嗥以北。公孫聖曰。黑者陰也。北者匿也。

○五色雞

夢見

西施母有雞，夢五色雞自天而下，化爲鵲，飛去，遂產女，是爲西施。

○逐羊拔角尾

西漢

高祖皇帝始爲亭長時，夢逐一羊，拔角尾皆落，辨音曰：羊去角尾，乃王也。及送徒咸陽，觀警蹕，嘆曰：大丈夫當如是。

○豬啖足

三國

漢前將軍雲長關公，出軍圍樊，夢豬啖其足。語子平曰：今年衰矣，然不得還，果爲吳人所襲。

○牛頭在門

三國

蔣琬見推之後，夜夢有一牛頭在門前流血滂沱，意甚惡之。呼問占夢趙直，直曰：夫見血者，事分明也。牛角及鼻，公字之象，君位必當至公，大吉之徵也。後果驗云。

○三馬同槽 三國

曹操聞司馬懿有狼顧相，又嘗夢三馬同食一槽，甚惡焉。因謂丕曰：司馬懿非人臣也，必預汝家事。後與師昭相次當國，竟遷魏鼎云。

○白犬噬之 東晉

王敦舉兵犯順，病作，夢白犬自天而下，噬之。覺後病轉劇，乃以身後囑錢鳳，俄而款死。

○乘白馬入梨山

東晉

建安人夢李固乘白馬入梨山。及固凶問至。因立祠于梨山。世傳感應。

○行見白雞

東晉

謝安還都。夢乘桓溫與行十六里。見一白雞而止。因謂所親曰。乘溫與者。代其位也。十六里者。今十六年矣。白雞主酉。今太歲在酉。吾病殆不起乎。乃遜位尋薨。

○斷馬足

西晉

牽騰以咸和三年。爲沛郡太守。出行不節。夢烏衣人告云。何數出不輟。唯當斷馬足。騰後出行。馬足自斷。

○乘馬飛半天

梁

崔慧景之逼長沙宣武王入授至越城夢乘馬飛半天而墜而梁武所馭化爲赤龍騰虛獨上。

○犬羊御座

梁

朱耽直禁省夢犬羊各一在御座覺而惡之告人曰犬羊非佳物也今據御座將有變乎既而天子蒙塵侯景登正殿焉。

○騎馬登山

隋

帝嘗夢騎馬登山路危欲墜陳子高推捧而升後討張彪彪夜襲城帝出走子高目亂兵中慰勞敗兵因導帝入徐

文育營。彭遂降。似夢驗云。

○妾爲猪傷

唐

江都民有一妾。夢其夫率勇士數十人江捕魚。得巨猪數十而出。其妾爲一猪所傷。及建陽軍作亂。入江都。妾夫爲鄉保。率鄉兵擊賊營。擒賊百餘人。其爲首姓諸。其妾果爲逃賊所砍。折其臂。民乃與妾俱辭功而隱焉。

○繫二黑犬

宋

徐元杰嘗夢神人繫二黑犬過堂下。授之。是歲登科。有默思默通云者。主司見之。以爲神語。乃悟默字有黑犬重複用之。二黑犬之徵也。

○擁一羊遺之

宋

宋太祖六世孫秀王偁夫人張氏夢人擁一羊遺之。已而有娠。生伯琮于秀州。及元懿太子薨。高宗未有後。昭慈聖獻皇后語以異夢。高宗曰。太祖以神武定天下。子孫不得享。朕若不法仁宗爲天下計。何以慰在天之靈。于是以選育宮中。後立爲皇太子。更名昚。卽帝位。是爲孝宗。

○獨角青牛

宋

沅登炳夢毛自知乘獨角青牛。以火照交于身上。因自解曰。青牛。年庚也。火照交身上。乃登炳之義。花甲告周。將代毛自知矣。蓋毛自知乃前乙丑狀元也。後乙丑果狀元及

第

○馬載一兒元

劉因字夢吉。將生之夕。父夢神人馬載一兒至其家。曰。善養之。既覺而生。乃名曰駟。字夢驥。後改名及字。生而天資絕人。六歲能屬詩。十歲能屬文。家甚貧。非其義一介不取。至元十九年。詔以右贊善大夫徵。未幾辭歸。後又以集賢學士徵。因辭不就。學者稱爲靜脩先生。此亦奇夢之徵也。

○牽馬過前明

林翰林謫字尚默。福之閩縣人。鄉試會試俱中。首選壬辰科。銳意欲魁天下。先廷試之夕。夢人牽馬一匹過前。寤而

自占曰。牽馬在前。予祿至矣。旣而傳臚。狀元乃馬鐸。公居第二。蓋馬在前也。

○白牛至室

明

王宗伯華。字德輝。浙之餘姚人。爲舉子時。嘗館于鄉間巨族。忽夜夢迎一白牛。至於其室。前有儀蓋引導。後有布政杜公隨焉。旣寤而占之。意謂雙親垂老在堂。命皆牛屬。今夢白者。恐其不利於親乎。有一識者曰。此夢大吉。按禮記牛爲一元大武。子平書。辛金屬白。公遇辛年。必作狀元。非止中進士而已。迨成化十七年。辛丑科。果狀元及第。時杜公陞爲順天府府尹。以儀蓋送歸第。其兆之見于夢者。毫

髮不爽

○大猪

明

徐御史宗四川營昌人初赴鄉試道經浙之換鵝驛驛丞夜夢人報云接御史俄而出止見一大猪扛來覺後有三舉人至驛官具道前夢其二人曰徐君本命己亥也亥肖猪所夢接御史後接得猪者卽徐君之兆也是秋徐果與鄉薦連登甲戌進士擢南臺御史

○○○羽族類

○瓦墜化鴛鴦

魏

文帝問周宣曰吾夢殿屋兩瓦墜地化爲鴛鴦此何謂也

宣曰。後宮當有惡死者。帝曰。吾詐卿耳。對曰。夫夢者意耳。苟以形言。便占吉凶。言未畢。而黃門令奏宮人相殺。

○五色鳥

西晉

羅會夢吞五色鳥。自後文章顯著。

○大鳥止庭

西晉

張薦祖。爲兒時夢紫翅大鳥止其庭。大父曰。吾聞五色赤文鳳也。今紫文鸞鷟也。若殆以文章瑞朝廷乎。薦後果以文名。時號青錢學士。

○鸚鵡拆兩翼

唐

武后夢鸚鵡拆兩翼。仁傑曰。鸚者。陛下姓也。兩翼者。陛下

子也。拆翼者是無輔翼也。乃召帝房州。

○九鶴集庭

唐

張九齡母夢九鶴自天而下。飛集一庭。遂生九齡。爲唐賢相。

○孔雀啣牡丹蕊

宋

賈雲華爲賈平章女。其母刑國夫人莫氏夢孔雀啣牡丹蕊。寘于懷中而去。覺而生華。聰慧異常。姿色絕人。後嫁爲魏鵬妻。

○大鳥止所居

元

蕭克翁隱居不仕。學行爲州里所推。嘗夢大鳥止其所居。

夢林玄解

卷三十四

羽族

其

翼覆軒外舉家驚異出戶視之冲天而去明日魯思溫自順陽來從學充翁爲易其名曰翀而字之曰子翬子翬竟以文學政事知名官至翰林侍講學士贈行省叅知政事封郡公謚文靖

○○○水族類

○蛟人懷

西漢

董仲舒夢蛟入懷遂作春秋繁露

○魚喙嚙兒臆

唐

河東柳沂僑居洛陽因乘釣伊水得巨魚挈歸置盆水中先是沂有嬰兒始六七歲是夕沂夢魚以喙嚙嬰兒臆

沂驚寤兒亦自言夢大魚嚙臍痛不可忍而啼沂視兒臍
果有瘡血沂懼明旦以魚投伊水中旬餘兒瘡愈沂自後
不復釣

○大魚躍盆水

宋

胡安國弟生子寅母多男不欲舉安國妻夢大魚躍盆水
中急取而子之後中進士甲科以薦除秘書省校書郎多
所建白竟爲名臣云

○母欲食魚

元

胡光遠母喪廬墓一夕夢母欲食魚晨起求魚以祭見生
魚五尾列墓前俱有嚙痕鄰里驚異方共聚觀有懶出草

中。浮水去。衆知獺所獻。以孝感聞於官。表其閭。

○○○昆蟲類

○爲蝴蝶 戰國

莊周夢爲蝴蝶。栩栩然不知周也。俄然覺。則遽遽然周也。不知周之夢爲蝴蝶。蝴蝶之夢爲周。周與蝴蝶必有分矣。是謂物化。

○飛蟲着身 東漢

明德馬皇后爲貴人時。嘗夢有小飛蟲無數。赴着身。又入皮膚中。而後出。居數日。有司奏立長秋宮。帝未有所言。皇太后曰。馬貴人德冠後宮。卽其人也。遂立爲皇后。

○蛇生四足

魏

東平劉楨夢蛇生四足穴居門中使宣占之宣曰此爲國夢非君家事也當殺女子而作賊者頃之女賊鄭姜遂皆討平以蛇女子之祥足非蛇之所宜故也

○蠅集鼻上

東晉

何晏問管輅曰余夢青蠅數十集鼻上輅曰鼻如天中之上蠅臭惡之物而集其上位峻者顛也

○蛇遶身

東晉

唐琮夢蛇遶身遂效其形作草蛇之書

○鼠入衣下

齊

懷
婁太后孕襄城博陵二王夢鼠入衣下孕魏二后夢月入

○蜂叢刺項

唐

鄧景山爲河東節度使忽夢群蜂數斛大者如蟬繞已數
匝撲之不去恐極呼左右無一應者而蜂叢刺其項驚覺
心甚惡之以語占者占者曰蜂繞握貔貅也刺項得衆心
也必吉退而謂人曰鄧君其不免將有亂兵之難矣未幾
將士作亂果爲所殺蓋群蜂乃兵象而刺項乃取首之兆
也

○黃鼠狼過江

唐

寶曆士人黃登同數人在吉州廬山廟祈夢。登二夜皆熟睡。少頃皆魘。咸呼曰打打問之。云夢黃鼠狼過江也。登乃子生。姓又合。私自喜。是年得第。

○蛇入腹半

唐

范延光夢大蛇自臍入腹。半入而掣去之。以問術士。術士曰蛇龍類也。龍入腹中。王者之兆。自是光頗蓄異志。後爲楊光遠所讎。推墮水溺死。

○群蛇蟠繞

明

方孝孺字正學。浙之天台人。其母未誕前。夢群蛇蟠繞八腹。後數日。公生。自幼聰悟異常。後膺聘起。爲翰林供奉。歷

官學士。太宗文皇帝過江之日。初卽位。欲詔天下。問姚廣孝舉代草者。曰。必須方孝孺。召之數次不來。以勢逼之。不得已。公持斬義而行。見上。卽命草詔。乃舉聲大哭曰。將何爲辭。勅左右禁其哭。授以筆。卽投之地。曰。有死而已。詔不可艸。上大怒。以凌遲之刑。刑之。遠夷其族。公受業於宋景濂。其文章滂沛。議論波瀾。類東坡之材。而忠義之氣凜然。景濂不及也。蓋道統之傳。有自云。

○以罪爲蛇

明

無錫張氏女死。其母夢文曰。我以罪爲蛇。旣寤。得蛇于棺下。以告高僧宗本。本爲說法。復置故處。俄有飛蟬翔棺上。

蛇失所在。母祝曰：若我女當入籠中。蟬如其祝。本復爲說。法是夕。母夢女曰：報已解脫矣。

珍玩部

金銀

珠玉

錢寶

○○○金銀類

○先用一錠

西漢

趙雄微時。最貧。母在無以卒歲。夫婦對泣。次日掃除。拾銀一錠。重二十五兩。繇此稍活。後入相。例賜白銀百錠。旣受而缺一錠。將以詰守藏吏。夜夢左藏庫神告曰：某年月日。相公已先用銀一錠。覺而憶想。正掃除得銀之日也。

○赤黃物如金

唐

李虛中爲殿中侍御史。元和八年五月。疽發背卒。將疾謂其友衛中行韓退之曰。吾夢大山出赤黃物如金。二人曰。是所謂大還者。今三矣。虛中沒。退之追占其夢曰。山者艮。艮爲背裂。而流赤黃。疽象也。大還者。大歸也。神已告之矣。

○○○珠玉類

○玉盤碗帶

西晉

晉帝夢一玉盤中有玉碗一。玉帶一。皆有碾文。光瑩可愛。寤以問群臣。李儀慎以爲王者帝王之寶也。帶有誓功之兆。盤盂乃守器之象。實爲吉夢。

○吞珠

宋

樂史字子正母夢吞五色珠而生及長有文辭舉進士知
陵州

○記得還珠否元

李郡君有賢德嘗有貨珠子老媪李氏遺珠在地郡君收
之後媪踰時始至形容枯瘦郡君詰之曰向所貨珠子歸
而失之告其主償金十兩主不許因而成疾郡君曰珠子
在此媪驚喜泣下願致金六兩以請郡君却金不受取而
還之忽微疾夢至一大官府見二偉人坐堂上問記得還
李媪珠子事否郡君日記之其一偉人曰當增二十年壽
遂驚寤而起後二十年乃卒

○○○錢寶類

○磨錢

魏

文帝問宣曰。吾夢磨錢。欲令文減而更愈明。此何謂耶。宣
悵然不對。帝重問之。對曰。此自陛下家事。雖意欲爾。而太
后不聽。是以文欲減而明耳。時帝欲治弟植之罪。逼於太
后。但加貶辭。以宣爲中郎。

○水府至寶

唐

任中宣。長安人家。素蓄寶鏡。謂之飛情。識者謂是三代物。
詢所得。云商山樵者石下得之。後中宣南駕洞庭。風浪洶
然。因泊舟。夜夢一道士。赤衣乘龍。詣中宣。言此鏡乃水府。

至寶出世有期。今當歸我。遂持鏡去。夢迴。亟視篋中。已失所在。

○授以重寶

明

建文帝在東宮。夢神人致上帝命。授以重寶。及卽位。使者還自西方。得青玉於雪山。方踰二尺。質班溫栗。二年春正月。帝郊祀宿齋宮。夕夢玉有光。乃驚寤。命玉人琢爲大璽。十二月工成。名凝命神寶。

文翰部

書籍

經卷

詩詞

字畫

○○○書籍類

○易有太極

王勃嘗讀易夜夢若有告者曰易有太極子勉思之寤而作易發揮數篇。

○文選一部

宋

宋祁字子京父玘夢人遺文選一部而生公故小字選郎後拜翰林。

○經卷類

○念金剛經

隋

杜之亮爲諒府參軍諒敗亦繫獄日夜惶懼涕泣忽夢一僧曰汝但念金剛經厄可脫也曉取經專誠念之及就戮唱名無亮旣行刑主者受罰戢而赦免後爲黃州刺史

○國誦法華

唐

并州石壁寺有一老僧禪誦爲業情進練行有鵲巢其房
楹上哺養二雛法師每有餘食恒就巢哺之鵲雛後雖漸
長羽翼未成因學飛俱墜地死僧收瘞之經旬後僧夢二
小兒曰某等爲先有小罪遂受鵲身比來日聞法師誦法
華得受人身兒等今於此寺側十餘里某村某家託生爲
男僧乃依期視之見此家果育二子因爲作滿月僧呼爲
鵲兒並應之曰唯

○○詩詞類

○遺大硯

唐

錢儼少夢人遺以大硯。自是樂爲文辭。頗敏速富贍。當時國中詞翰多出其手。後歸宋亦多述作云。

○梅花詩 明

于肅愍謙嘗于景泰四年正月十九日夢中作梅花詩云。水邊籬下兩三枝。冷艷寒香祇自知。看盡春風齊結子。調羹還有情人時。

○○○字畫類

○濮字方丈餘 宋

安守忠嘗夢一濮字方丈餘。及仕歷漢州刺史。改濮州。又拜濮州團練使。凡領濮郡二十年。

○寫一奇字 宋

楊祿女幼夢堂有大匾寫一奇字驚寤言于父母至年二十一時趙時寄登第方二十二未娶來議婚父母以名應兆遂許之

名數部 名姓 前定

○○○名姓類

○改名畢 唐

杜牧嘗夢人告曰爾改名畢牧以爲不祥其年果卒

○金書姓名 唐

丞相李珣節制淮南一夕夢入洞府見石壁填金書姓名

內有李珣字方自喜有二仙童云此乃江陽部民李珣耳。既寤詢之民間果有廣陵人李珣年近百歲究其生平所爲以販穀爲業每斗惟求利兩文有糶糶者卽授以升斗俾自量之意以此得果報云。

韓趙二姓

明

宋宏雲南士人也。忽夢科場揭曉官司擁傘蓋鼓樂東西列二黃旗大書韓趙二姓字翌日趙璧偕胡賓輩過宋學館宋具以告趙曰請筆之以俟驗否後秋榜出果韓昂第一趙璧第二及迎赴宴鹿鳴韓左趙右首列于前果符夢中所見云。

○名朱汚

明

顧太守禎夢其弟福中榜名上朱汚以語福及福自觀榜名乃在糊縫鉗印處爲朱濺焉後福官至叅政

○○○前定類

○歲在辰巳

西漢

鄭玄夢孔子告之曰起起今年歲在辰明年歲在巳玄知命當終也懺云歲在龍蛇賢人嗟

○二十五年

北魏

武帝爲汝陽縣公時夢人呼其名曰汝當大貴得二十五年及高歡迎立後西依宇文泰遇醜而崩年二十五果符

夢云

○中在一百七

明

虞都憲瑤字邦瓊浙之晉縣人會試畢夢行至一橋遇其鄉友報云尊兄中在一百七名隨又夢見其僕看榜回報云官人中在一百七十名迨揭曉果如僕所云公又夢禮部侍郎俞公欽送與登科錄一冊曰公在我後迨傳臚公名在五十二果後俞公一名

夢徵

終

新附

皇明鼎元夢攷

丁狀元姓兆動主

請願洪武十八年乙丑廷試第一。先廷試一日。高皇帝夢殿前一巨釘綴白絲數縷。悠揚日下。及拆首卷乃花綵。上以年少抑之已而得下。題卷姓名與夢符。且願字日下雙絲也。遂報狀元。

張狀元字義預徵

諱侑字義壽浙江定海人。洪武二十七年甲戌廷試第一。領鄉薦赴京。夢以竹片反押青犬頭置元上解者曰竹片互押青犬乃狀字。置元上湊元字。況富甲戌必魁天下果如其言。

林狀元文淵示兆

諱瑄字崇聖福建莆田人。永樂四年丙戌廷試第一。環將試春閉夢友李文淵送大肉一片環等一臂受

事亦玄解

卷三十四

三

徵

之堯片大乃狀字等一臂類元字後官文淵閣學士始悟主文淵乃先兆也又住九仙觀卜兆路遇道士云爲代占夢赤犬化爲龍明年應作狀元也乃說說之詞及赴試過符給語云

商狀元三首應薦

諱紹字弘毅號素菴浙江淳安人正統十年乙丑廷試第一翰林院修撰其師洪士血同宿學舍中縣夢有提洪曰吉夢也後三元應之

彭狀元鼎魁占岳

諱時字純道號可齋江西安福人正統十五年戊辰廷試第一

公自記云丁卯冬湖廣永寧縣官在途夢聞黃樓第一一名彭時監生其官至京吉于永濟上生張樹木蟻木訪知予姓名賦詩于聞之答曰夢中事何足信又一人夢岳正曰吾昨夜夢兄魁多士可賀正曰若夢可信則已有人夢彭時作魁何必我其人戲曰明年會試廷試丁酉題岳其一可也後果然廷試前一

月 上 卷 仙 籍 道 三 人 未 見 至 揭 曉 狀 元 彭 時 由 儒
士 官 職 陳 進 功 寓 神 樂 觀 採 花 音 三 篇 爲 慶 壽 寺 書
記 幼 年 出 世 皆 形
參 光 色 偶 然 哉

柯 狀 元 羊 頭 首 席

諱 淵 字 孟 時 號 竹 樓 福 建 南 田 人 景 泰 二 年 辛 未 廷
試 第 一 點 會 稽 夢 九 里 廬 與 賓 友 談 會 稽 坐 首 席 須
臾 字 夫 以 一 羊 頭 獻 於 前 果
以 辛 未 狀 元 符 羊 頭 之 兆

孫 狀 元 老 人 書 姓

諱 賢 字 元 卿 河 南 杞 縣 人 景 泰 五 年 甲 戌 廷 試 第 一
正 統 丁 卯 鄉 薦 寧 張 靖 之 之 母 夢 老 人 書 孫 字 于 靖 其
年 靖 之 領 鄉 薦 兩 試 春 官 皆 下 第 辛 未 靖 之 官 于 京
城 陞 夢 登 大 山 老 人 謂 曰 此 崑 崙 山 也 驚 寐 取 昌 貢
紙 皮 寘 窗 研 省 袖 經 入 場 果 出 此 題 多 爲 所 寫 獨 雅
獨 奇 皆 席 舍 相 近 來 憲 靖 之 因 爲 開 陳 義 意 詩 進 註
疏 前 遂 登 第 名 第 七 梓 文 一 篇 靖 之 竟 下 第 後 梓 甲
辰 始 登 第 名 亦 第 七 梓 文 一 篇 其 年 狀 元 乃 孫 賢

也。母氏之夢至是始驗。蓋已八年矣。惟裁皮之夢。驗而虎若爲陽部設者。然精之名第。事實一與前同。鬼牌之示人。顯而隱如此。○本第之先。夢金甲神人持黃旗。揮其門。有狀元二字。至廷試。果首魁。又赴會試。送中投客店。主人具飲食。致敬于孫。孫疑其家有他會。問之。主人云。昨夜夢狀元至我家。今日必應此耳。是科下第。歸來科果應。

羅狀元文正贈詩

諱倫字義正。號一峰。江西永豐人。成化二年丙戌廷試第一。倫赴試時。有一水手夢中神語之曰。明日附舟乃羅狀元也。明日果有秀士來附舟。詢其姓。則是象。皆爲詩。○倫赴春闈。近蘇州。爲文謁范文正公祠。是夕。舟中夢文正遺之詩曰。賜帶橫腰重。宮花壓帽斜。勸君少飲酒。不久臥烟霞。

張狀元仙姑再訪

諱昇字啓昭。號伯崖。江西南昌人。成化壬午己丑。廷試第一。公文同起京會試。而遇小姑山下。天色已暮。

因泊舟父夢山上數女郎執絳紗燈擁仙姑而下因問之曰仙姑何往曰張昇狀元舟在此往訪之覺而呼昇語其事是科廷試果首選

吳狀元龍櫻巾幘

諱寃字原博號馳卷直隸長洲人成化八年壬辰廷試第一人言吳文定及第素無夢兆惟揭榜前三日吳香滿室耳公嘗爲子言會試之前夢過國學適陰雲四合大雷電欲雨龍下攫其巾併其身而上遂驚焉寤

曾狀元袖中龍筆

諱彥字士美江西泰和人成化十四年戊戌廷試第一彥爲諸生時夢被人懸其髮于明倫堂大梁上平生自負甚重每以大魁自期然見黜于有司者七舉矣旣而歲貢南雍始中鄉試又連屈禮闈年逾知命始中大魁先後幾三十年矣彥每試輒夢袖中龍頭筆一枝手取之則筆入內弗得至成化戊戌夢取此

筆出之文彩焜耀儼一
龍在手果狀元及第

費狀元魁報生前

諱宏字子充號健齋江西鉛山人成化二十三年丁
未廷試第一寧遠烈良中丙子鄉試十赴春闈不利
凡試必偏訪舉人姓費名宏者久不得丁未聞有鉛
山費宏至其邸飲酒沾醉撫掌大笑曰今科狀元必
子吾三十年前夢神告曰汝登進士費宏作狀元累
科覓子不見今得之逮廷試宏果首選良中三甲良
夢時宏猶未生鄉試時考官閱卷恍惚夢總角童子
謂此少年狀元也遂以其卷置高等及赴鹿鳴儼如
夢中之貌

錢狀元神求避地

諱福字與謙號鶴齋直隸華亭人弘治二年庚戌廷
試第一公幼時爲劇父夢人語曰爾子吳寬也時吳
文定尚家食後連舉有殿二元與文定相符初赴試
入京寓於民家其室中有神像神夜托夢于其主求

地曰有狀元在
吾不能安逸也

顧狀元移桂文康

諱鼎臣字九和號未齋崑山人。弘治十八年乙丑廷試第一。父恂餘五十而生鼎臣。既壯每夜焚香表祈父壽願以已壽益親。一夕夢黃鶴從天飛來近視之。卽所焚表也。後一大院宇未有殊批字數行。求云自此以後聞田單火牛通行無滯。蓋乙丑之兆也。父年八十反見其子登狀元。父嘗夢鼎臣爲狀元初欲以名其孫潛不果乃命其少子。果然又夢入鄭文康家移其佳歸植之已而鼎臣生後謚文康與鄭名全蓋七十年餘。

夢始驗也

宋有劉狀元涇名臣也其祠在邑中初鼎臣入邑庠父夢一人紫袍象簡稱衛姓携狀元及第策文圖書記之每過其祠虔誠謁拜一日寓間偏生人城假宿於祠中似聞神語云明日有狀元顧鼎臣來係生謂庠中無此人早起俟何人至忽見諸生顧同入語以此事顧曰吾正將易此名耳

呂狀元新豐兆貴

諱柳字仲木號選野陝西高陵人正德三年戊辰廷試第一年十四應試臨潼夜夢老人自驢山下謂曰爾勉學後當魁天下

唐狀元才夢雙符

諱舉字守之號心苑直隸歙縣人正德九年甲戌廷試第一彭司馬稱短儼郡移學宮而新之夜夢神語云明日相見秀才乃狀元也至明日有隨衆進獻上梁文者詞覽之大喜稱狀元才乃舉也未第時每夢面前列瓜鍾一對及廷試後有報其中探花者曰不止此也既而報爲榜眼亦曰不止此也及膺傳果第一有語其故乃以夢告蓋傳臆後黃荃瓜鍾送歸第者狀元也故舉自信如此

舒狀元仙翁示異

諱宗字曰裳號梓溪江西進賢人正德十二年丁丑廷試第一

問人劉世揚會試入京夢神告之曰今年狀元名國
裳世揚卽以國裳易之劉是科登進士而狀元翁
其字則國裳也事有定數惟鬼神能知之芥未第時
至九鯉湖祈夢五夜無夢因題詩云千里尋真意亦
虛五宵無夢竟無緣神仙不識人間事歸去揮毫作
狀元到山下遇一老人問公何夢公告之故且述其
詩老人爲改云千里尋真未是虛五宵無夢豈無緣
神仙不洩人間事歸去揮毫作狀元因忽不見蓋仙
化爲老人以告公也

楊狀元辛巳牌坊

諱維聰字達甫號方城順天固安人正德十六年辛
巳廷試第一公在京夢崇文坊迎金字辛巳狀元牌
來叩之何往曰送與固安楊秀才覺而自喜
但疑是歲非試期既而已卯庚辰鄉會連捷

龔狀元龍神書額

諱用卿字鳴治福建懷安人嘉靖五年丙戌廷試第
一公臨試時嘗夢龍神寫狀字於額上果中狀頭

沈狀元餌藥生香

諱坤字伯載號十洲直隸太湖人嘉靖辛丑廷試第一嘗夢仙以藥丸食之醒若胸中有物而一室異香

撲鼻

秦狀元馳馬天門

諱鳴雷字子濂號華峰嘉靖二十三年甲辰廷試第一公年十四時就傳一寺中通有召箕者箕忽自運作字云門外有甲辰狀元秦鳴雷可請至時鳴雷方自家步至館其徑飛至寺門外捫其衣袖而入此後常夢騎馬上天門

唐狀元庭梅隱字

諱汝楫字思深號小溪蘭谿人嘉靖二十九年庚戌廷試第一戊申歲汝楫夢一梅樹生于庭前花期設繁密字隱隱見于瓣中曰明歲相逢雞水的明年爲己酉汝楫已豫卜矣

陳狀元雲霄蓮座

諱謫字德言號環江福建閩縣人嘉靖三十二年癸丑廷試第一謫宰夢蓮花二朶甚大自空中而墜于庭有仙童女隨蓮花而下謂謫曰何不登蓮花之上如其言蓮花冉冉而升漸入雲端心甚恐俄有神人持金冠袈裟與之服豈非連升大魁之兆乎

諸狀元背抵冠裳

諱力綬字端甫號南明浙江山陰人嘉靖三十五年丙辰廷試第一初大綬兄大綱夢見大墳一區須臾墳裂一硃紅棺露焉須臾有衣冠珮玉者自棺中出揖其兄使入其兄難之忽大綬至與冠裳者抗以其背抵冠裳者之背使復入不解所以既而得聞天爵淵言此夢聞曰此地惟吾知之乃宋狀元山陰王佐所葬也言其狀元乎其背相抵前輩後輩之謂也果如所言

丁狀元仙女奏樂

薛士美字邦彥號後溪直隸清河人嘉靖三十八年
己未廷試第一未第時夢已坐于堂空中有仙女一
群乘鶴臨然而下人皆作樂仙音縹緲縹緲繞前後
久之復乘鶴而上須臾有黃旗二扇豎于門焉

徐狀元紅日照帷

諱時行字汝默號璽泉嘉靖四十二年壬戌廷試第
一將誕之夜父夢神人與桂花一枝醒而焚香母夢
紅日照入帷間血射其體生而膚如玉雪四齡出痘
醫指腰間一大痘挑之血流紫色曰此子必登高科
與狀元未公痘五株類至己未冬月夜半父則山巖
端有聲如雷居人詰朝視之有石僅丈自山巖移下
十餘丈復轉而東所遇小石裂一縫如虎丘試劍石
之狀鐵者謂來科狀元兆也吳中舊識云零露石移
狀元未歸辛酉公夢行通衢得明珠一顆心甚異之
入室一室光明意此龍劍下寶也必行不日果至
時首向室內又意此珠不可輕也少時通云臣將行
遂對跪而獻之龍得珠而還行焉七十日學公約試
時句客委高淳令編卷今寓崇明寺公亦寓此吏夜
行前有凶吏未寢忽見火光起其中一大星自外

人吏驚叫。今亦駭起。明旦入白于督學。謂必大魁之兆。時所編者吳庠卷與焉。府中王徐高三公同夢龍起翔于天衢。至明各會語相同。大異之。及冬吳士夢報捷者至。人爭叩之。彼且馳且答云。狀元會元皆有除夕。指揮劉世統夢新狀元徐時行也。先余有丁嘗夢登杜正榜進士。既第。榜首非杜。及時行入領。賜袍笏與之者。內臣杜正。是夢亦淵且巧矣。公後復姓申。晉首相。

范狀元機坊中人

諱應期。字伯祜。號屏麓。浙江烏程縣人。嘉靖四十四年乙丑廷試第一。嘗夜宿杭之地名大菴。夢觀會試錄。有人曰。狀元者。良山范崙。乃機坊中人也。既聞狀元爲應期。細釋之。始范公之兆乎。易曰。艮止也。止于山。屏麓也。范既范而崙亦同。特隱屏麓于崙耳。且湖地多絲。而夢于杭之大菴。所謂機坊中人。得非大魁湖州烏程之應乎。天之機微。而著類如此。公將會試。偕一舉人見禮房吏。吏懼迎曰。昨夢狀元至吾家。二公必居一矣。范果大魁。會試至張秋。米雪載塗。將從陸。夜夢一躍登車。有一長人授之以鞭。乃手兼。

夢林玄解

卷三十四

夢

車前車行如飛若將入雲忽二吏跪報曰王殿已舉目見殿宇門鐫金書三大字既傳臚恍若夢中所見

羅狀元第一進士

諱萬化字一甫號康洲浙江會稽縣人隆慶二年戊辰廷試第一羅公嘗止北新關有戶部主事某夢第一名進士來訪明日羅偶謁主政主政未悟所夢相見亦如常禮羅公明年傳臚第一主政始悟曰去年夢應矣會試夢一老人白衣青巾從浮橋下近其舟揭去舟上會試封條易以第一甲第一名數字後果

張狀元羅衣相遺

諱元仲字子善號陽和浙江山陰縣人隆慶五年辛未廷試第一父天復行太僕寺卿所居與羅萬化同巷嘗夢携其扁于家會試時祖塋有聲三日往視得金芝六莖是科劉瓛夢人以羅衣遺之曰此第二服

也已有人先服矣。果讓
張居首時年三十四。

孫狀元唐臯至家

諱繼皋字以德號柏潭直隸無錫人幼生時父夢前
甲戌狀元唐臯至其家遂名繼皋年二十六亦以甲
戌冠天下其
相符亦奇矣

沈狀元祖與一聯

諱懋寧字君與號少林直隸宣城人萬曆五年丁丑
廷試第一公夢父大叅公與一聯云虔其始必厚其
終循其名當資其寔及廷對策冒中用此語是時
聖上閱此顧謂輔臣曰此二語即可作狀元遂首擢
之時年
四十四

朱狀元策馬更前

諱國祚字兆隆號養淳浙江秀水人萬曆十一年癸
未廷試第一公嘗夢有雙頭人騎馬而前公以爲

乃急策已所乘馬而更前之。是科後公一步者。太
廷薦也。李公鄉會試皆元。應雙頭人之夢。夢更前之
者。應公。登狀元也。廷試後。李公廷後。夢削髮爲僧。投
一簡。結爲師兄。問其姓。曰朱。問語。無髮爲元。李公心
疑狀元有屬矣。臚唱畢。牛公第一。公是年二十五。鄉
會聯捷。及第。年四十。陞禮部侍郎。今吏部侍郎。陞禮
部尚書。
入內閣。

唐狀元金花滿身

諱文獻字元鑑號抑所直隸華亭人萬曆十四年丙
戌廷試第一父進士好施子自少有深沉之資十五
歲入泮。雅量篤學善屬文夢中順天試遂發奮入國
學愈深已好脩常夢月中金花燦爛頃之滿身又夢
龍浴于室有敕文夢告云余卷已
人慈寧宮奈何首唱年三十八

焦狀元神告羽客

諱汝字弱侯號滿園應天旗手衛人萬曆十七年己
丑廷試第一少負大志奇才每試輒冠多士督學耽

公倡明道學公從之聞道甚蚤嘗稱此主宿學齡行當魁海內未第時館閣諸公慕其名行皆重之赴會試寓燕市祖師廟道士夢神告云廟中有大狀頭相公是科果首得是年五十一

翁狀元以娣元吉

諱正泰字兆震號青陽福建懷安人萬曆二十年壬辰廷試第一公父任廷平教職元旦夢人贈衫帳其上書以娣元吉四字郡守周解曰以娣乃易帝乙歸妹爻辭元吉爲狀元吉兆耶君首唱奚疑是科內閣取進御第一洪啓濬也未唱第淵夢清源山神與五虎山神戰不勝聖上竟以劉易洪而實洪二甲第一夢之驗如此

朱狀元神贈詩聯

諱之蓄字元介號蘭嶠直隸錦衣衛人萬曆二十三年乙未廷試第一父夢東方朔送一大桃而生屢試必先嘗夢神贈聯光騰劍鐔三千丈風送鶯聲十二樓扶筇詩蛟龍吞海日舞鳳出岐山萬里長安片

千爾獨先。未第時。讀書于寧國寺。忽見齋中紅。有題云。萬方寶曆開八運。一躍金鱗奮九天。其事。奇。甲午領薦。應天乙未會試。廷試第一。則乙未狀元。一躍金鱗者。龍頭之兆也。乙未屬金之年也。時年三十五。

張狀元走馬看花

諱以誠。字君一。號瀛海。直隸清浦人。萬曆二十九年辛丑。廷試第一。嘗讀書雲間。精舍。夢身騎金牛。有空中人呼曰。長安表獨一。走馬看花歸。蓋金牛乃兆辛丑狀元也。至京會試。夢一肉獸觸已。已跨而上。是科許懋會元。已爲狀元。

楊狀元袁遜上座

諱守勳。字克之。號昆阜。浙江慈溪人。萬曆三十二年甲辰。廷試第一。每試首選。丁酉春。夢元峰袁公招飲。經會元及第。澤坊頂上過。抵袁宅。選之上座。袁前丁酉狀元。第二公後。丁酉第三。將謂不疑。今招殿元。視

村公案花果高出其布矣甲辰場前一自夢舉聯
元司袍置酒爲賀盡醉而罷及入場詳甚試日熟睡
下翼夢有人推曰君可脫紫矣覺足下踏
著一卷春秋蓋二名書史也盡符其夢

黃狀元高帝首用

韓士儉號梨南廣東順德人萬曆三十五年丁未廷
試第一登進士第督學高志公奏其文且貴其品
每以大老期之年二十七領鄉薦赴京會試途中聞
足有驚嘆曰惡得急功名而緩吾兄哉遂連歸丙午
冬北上將至京夢入殿庭拜高皇帝帝曰
汝來耶今若用汝矣及廷試條封稱
擢第一其夢果
驗將年三十一

韓狀元日月兩圓

韓剡字求仲號上卿浙江歸安人萬曆三十八年庚
戌廷試第一公初娠時太夫人夢日入室覺猶晃然
父司鄉公夢日月入懷而產公蓋日月兩圓卽兩
之兆公少穎敏過人讀書十行俱下性洒落不

產里中或曰極之不屑也。癸卯冬過廣德一友曰夢張陽和公至詰朝公款門矣已酉北雍舉秋魁京韓公卿公夢一羽衣捧若璽書者來謂曰而前大德三姑以此舉償其一庚歲更償其二當有加焉果時報

周狀元池巾島集

薛廷簡字玉綱號抱齋直隸宜興人萬曆四十二年癸丑廷試第一公祖太廟公夢家中開大池池巾百鳥會集門前豎大牌坊上武魁二大金宇遂乳名武人氏武者大也果武魁既而又夢徐文靖公語云第一令郎宜教之謙抑如何在前走衛中衛眼在前即狀元矣遂定號曰抑齋以文靖號謙齋故也中舉北上寓消口陳古一房素有邪祟卧不安寢聞有聲云曾元狀元在此不可驚開而久夢臂生兩翼飛到嵩華絕頂之中兩元父即兩元也未中元時常夢出遊前攜瓜鉞金燈遂應公又臨場夢開帝選賀禮禮金曰狀元蓋古有玉版傳金榜君恩賜狀元之句應夢殿公二子中狀元之兆張廷登曰余分枝

禮聞漢漢孫公知貢舉將放榜之久公坐假寐忽苦
有言者荆川先生生在前視之見絳者而曙東立者荆
川也驚寤而榜適填第一則周玉繩也荆川年少以
前戊子舉南畿已丑會元玉繩亦年少子丑魁天下
其後身耶

錢狀元事業鼎中

錢士川字抑之號御江浙江嘉善人萬曆四十四年
丙辰廷試第一公父元夢宋狀元張九成至其家而
公初生時背上隱隱現一元字公未第之先至神廟
對廟祈夢夢見神帝以香鼎與之曰汝事業在此
鼎中其太夫人與夫人宋君晚間兄空中有火成祥
自上而下墜天井中久之亦散人謂祥光煥發謂
台觀之兆丙辰劉公典南官試先期夢上以金牌持
召之視其朱書則昔戊戌所首拔錢某也意必中
魁而榜揭僅首龍腹深嘆息之比臚
傳首天下始應其夢并應前二夢云

莊狀元二珠光耀

諱際，字景悅，號美若，福建泉州府永春人。萬曆十七年己未廷試第一。公母嘗夢神龍吐二珠以元第光耀而後晦，如是者三。吞而孕公。鄉試第九，會殿試俱第一。其廷對因補數字，當路有言，故脩省三年。二珠，卽二元之兆。復晦，卽脩之兆也。

文狀元信國面談

諱震孟，字文起，號拙持，南直長洲人。天啓二年壬戌廷試第一。早負才望，作字甚工，不讓鍾山。公筆力，聞公居京時，嘗與公遊。山先生面語甚美，多出法。類之時，未免大用。武我。明中興之會，可護後裔，大異獄獄，以致太平之治。

夢林玄解卷之三十四

終